



Na osnovu Odluke broj 06-16-3-257-1/23 od 3. augusta 2023. godine, Državna regulatorna komisija za električnu energiju (DERK) raspisuje

## JAVNI OGLAS

### o prodaji vozila putem javne prodaje-licitacije metodom prikupljanja zatvorenih pismenih ponuda

#### 1. Predmet prodaje

Predmet prodaje je putničko "Toyota RAV4" putem javne prodaje-licitacije metodom prikupljanja zatvorenih pisanih ponuda.

Karakteristike i podaci o vozilu:

broj šasije: JTMRJREV60D147171, broj motora: 2AR1768504, motor: kombinovani pogon elektro-benzinski (hibrid), radna zapremina motora 2494 ccm<sup>3</sup>, najveća snaga 114 kW, mjenjač: automatski, godina proizvodnje: 2018., prva registracija 21. februar 2018., broj vrata: 5, mjesta za sjednje 5, pređena kilometraža: 142.400 km.

Vozilo je u voznom stanju i servisirano je u ovlaštenim servisima. Svi servisi i popravke su evidentirani u elektronskoj servisnoj knjižici. Vozilo je bilo registrovano do 28. jula 2023. godine, od kada je stavljeno van upotrebe radi prodaje.

Prodaja se vrši po načelu „viđeno-kupljeno“, bez naknadnih prigovora i žalbi koje se odnose na predmetnu prodaju.

#### 2. Kriteriji vrednovanja ponuda

Početna cijena vozila koje je predmet prodaje po ovom javnom oglasu iznosi 36.000,00 KM.

Ponude ispod početne cijene neće biti uzete u razmatranje.

Vozilo koje je predmet javnog oglasa prodaje se ponuđaču koji dostavi najveću cijenu za vozilo. Licitacija će biti punovažna i u slučaju da ponudu dostavi samo jedan prihvatljivi ponuđač.

#### 3. Pravo učešća

Pravo učešća na licitaciji imaju fizička i pravna lica koja uplate depozit u vrijednosti od 3.000,00 KM za vozilo koje je predmet prodaje. Jedan ponuđač može dostaviti samo jednu ponudu.

Depozit se može uplatiti: najkasnije 2 dana prije licitacije na slijedeće račune DERK-a broj: 1610250013280026 ili 1321002011522764, kao i na dan licitacije na blagajni DERK-a u vremenu od 8:30 do 9:30 časova.

Pravo učešća u postupku licitacije nemaju zaposlenici DERK-a .

#### **4. Pregled vozila**

Vozilo se može pogledati u Tuzli, na parkingu DERK-a na adresi Đorđa Mihajlovića broj 4, dana 10. augusta 2023. godine u periodu od 10:00 do 12:00 časova.

Kontakt telefon: 035/30 20 60.

#### **5. Dostava ponuda**

Ponude uz dokaz o izvršenoj uplati depozita treba obavezno dostaviti u zatvorenoj koverti, na kojoj treba napisati "Ponuda za prodaju vozila - NE OTVARAJ".

Ponude se mogu dostaviti putem pošte ili lično na protokol DERK-a (kancelarija broj 1.) do 16. augusta 2023. godine do 10:00 časova na adresu: Državna regulatorna komisija za električnu energiju, Đorđa Mihajlovića broj 4/II.

Sve ponude koje pristignu poslije naznačenog roka, neće se uzeti u razmatranje, bez obzira kada su poslate.

Javno otvaranje ponuda uz prisustvo zainteresiranih ponuđača održat će se u sjedištu DERK-a u Tuzli dana 16. augusta 2023. godine u 10:01 časova.

Otvaranju ponuda mogu prisustvovati fizičke osobe lično ili po punomoćniku, te osoba koja je ovlaštena da zastupa pravno lice ili punomoćnik za učešće u postupku licitacije.

#### **6. Sadržaj ponude**

Ponuda mora da sadrži:

- a) Podaci o fizičkoj osobi (ime i prezime, broj identifikacionog dokumenta)
- b) Podatke o pravnoj osobi (naziv, sjedište i ID broj pravne osobe)
- c) iznos ponude upisan brojem i slovima isključivo u konvertibilnim markama
- d) dokaz o uplati depozita

Prihvatljivom ponudom se smatra svaka ponuda koja sadrži podatke iz tačke 6. pod a), b), c) i d), i čiji je iznos ponude jednak ili veći od početne cijene vozila.

Ponuda mora biti potpisana od strane podnosioca ponude, a ukoliko je ponuđač pravna osoba ponuda mora biti i ovjerena pečatom pravne osobe.

Ponuđač koji ponudu dostavi putem pošte ili uplati depozit na račun DERK-a treba u ponudi navesti adresu i kontakt broj telefona, te broj računa za povrat sredstava.

Ponude se mogu dostaviti na obrascu koji je priložen uz ovaj javni oglas (objavljen na web stranici DERK-a).

#### **7. Postupak licitacije**

Predsjednik Komisije otvara prispjele ponude, čiji se sadržaj unosi u listu ponuđača koja sadrži: naziv ponuđača, redni broj, ponuđeni iznos i prihvatljivost ponude.

Ponude koje ne ispunjavaju uslove prihvatljivosti neće se razmatrati u daljem postupku.

Komisija nakon razmatranja liste ponuđača utvrđuje najpovoljnije ponude za svako vozilo, o čemu usmeno obavještava prisutne ponuđače i predsjednik Komisije proglašava pobjednika licitacije, koji je dostavio najpovoljniju ponudu za vozilo.

U slučaju da se prijave dva ili više ponuđača sa prihvatljivom ponudom i istom cijenom, predsjednik Komisije će za pobjednika proglasiti onog ponuđača koji je ranije dostavio ponudu po datumu i vremenu prijemnog pečata sa Protokola DERK-a.

Nakon proglašenja pobjednika za vozilo koje je predmet prodaje, Komisija sastavlja rang listu prihvatljivih ponuda sa jasno naznačenim pobjednikom licitacije, Rang lista će biti objavljena na službenoj web stranici DERK-a.

## **8. Obaveze kupca**

Ponuđač čija ponuda bude prihvaćena, odnosno kupac, je dužan pristupiti zaključenju ugovora u roku od pet dana od dana proglašenja pobjednika licitacije.

Kupac je dužan za kupljeno vozilo uplatiti cjelokupan iznos u roku od osam dana od dana proglašenja pobjednika licitacije, na broj računa DERK-a.

Sve poreze i troškove oko prijenosa vlasništva kao i troškove transporta, registracije, osiguranja i sl. snosi kupac.

Ako kupac odustane od kupovine, odnosno ne pristupi sklapanju ugovora, uplaćeni iznos depozita od 3.000,00 KM mu neće biti vraćen, a DERK će sklopiti ugovor sa slijedećim najpovoljnijim ponuđačem.

## **9. Dodatne informacije**

Učesnicima u licitaciji, čije ponude ne budu prihvaćene, uplaćeni iznos depozita će biti vraćen na isti račun sa kojeg je uplaćen, najkasnije dva radna dana nakon otvaranja ponuda. Odmah nakon zaključenja postupka javne licitacije, na blagajni DERK-a se vraćaju depoziti koji su taj dan uplaćeni gotovinski.

Pobjedniku licitacije depozit će biti vraćen po realizaciji kupoprodajnog ugovora.

DERK nije u sistemu PDV

Broj: 06-16-3-257-2/23

Tuzla, 3. 8. 2023.

OBRAZAC ZA PONUDU<sup>1</sup>

**PONUDA ZA:**  
**KUPOVINU PUTNIČKOG VOZILA PUTEM LICITACIJE**  
**Toyota RAV4 (broj šasije JTMDJREV70D084236)**

---

(Naziv pravne osobe ili ime i prezime fizičkog lica) **OBAVEZNO** popuniti

---

(Adresa)

---

(Broj telefona)

---

(ID broj pravne osobe ili lične karte fizičkog lica) **OBAVEZNO** popuniti

---

(broj računa za povrat sredstava ukoliko je depozit uplaćen na račun DERK-a)

Iznos ponude: \_\_\_\_\_ KM. (**OBAVEZNO** popuniti)

Iznos ponude (slovima): \_\_\_\_\_ KM (**OBAVEZNO** popuniti)

Datum, \_\_\_\_ . augusta 2023. godine

M.P. \_\_\_\_\_

---

<sup>1</sup> Uz ponudu obavezno dostaviti:

- dokaz o izvršenoj uplati depozita
- samo pravne osobe: fotokopiju ID broja